

*Tur otro cas di cuidu mester regla permiso pa 1 augustus*

## Stichting Cas Cristelle prome cas di cuidu cu permiso

**ORANJESTAD** - Stichting Cas Cristelle (SCC) ta e prome cas di cuidu cu a ricibi su permiso pa explota un cas di cuidu cu firma pa minister di salubridad publico Dangillaume Oduber. Esaki

ta un momento historico pa motibo cu te cu awo, e ta e prome cas di cuidu cu ta cumpli cu e rekisito di permiso cu ta stipula den e ordenansa nacional di cas di cuidu cu a drenta na vigor na 2017.

Despues di e dos rondnan di bishita di inspeccion na tur e casnan di cuidu na Aruba den 2018, Inspectie Volksgezondheid a duna tur cas di cuidu te cu 31 di juli 2019 pa regla nan permiso na Seccion Cui-

do di nos Grandinan na Departamento di Salud Publico (Despa). Na Seccion Cuido di nos Grandinan, e casnan di cuidu ta wordo asisti cu, pa di manera acelera, haya bishita di control di Brandweer, DTI y seccion di higiena di salud

publico. Ora cu e casnan di cuidu pasa inspeccion di e instancianan menciona aki, nan lo ricibi aprobacion pa bin na remarca pa un permiso.

Inspeccion kier a subraya e importancia pa un cas di cuidu tin un permiso pa motibo cu e control di Brandweer, DTI y seccion di Higiena ta pa segura y mantene e seguridad pa ambos e grandinan den e cas y e empleadonan. Pesey a pone reglamento di un permiso como un prioridad y inspeccion kier a recorda tur e casnan di cuidu pa regla nan permiso prome cu 1 di augustus 2019. Despues di e fecha aki, inspeccion lo tuma e medidanan necesario. Finalmente, Inspeccion di Salud Publico kier a felicita Stichting Cas Cristelle pa nan trabou y esfuerso pa regla nan permiso.

